

جریده علمیہ

مشیت جلیلہ اسلامیہ مکہ جریدہ رسمیه سید
ربیع الاول ۱۳۳۴ (*)

ایکینچی سنہ آیدہ بر نشر اولور عدد : ۶۹

فتاویٰ شریفہ

نکاح :

ہندک زوجی زیددن اولان اوغلی عمرو ہندک زوج آخری بکریک زوجہ اخراسی
زینبدن اولان قزی خدیجہ بی تزوج ایتک جائز اولورمی الجواب : اولور .

★ ★

زید و رضا قزقرنداشی ہندک نسباً قزی زینی تزوج ایتک جائز اولورمی الجواب اولماز .

★ ★

زید نامزدی اولان ہندہ مہر معجل نامیلہ براینک ویروب لکن عقد نکاح اولمیدین
زید فوت اولسه ورثہ سی اینکی ہنددن المغہ قادر اولورلرمی الجواب : اولور لر .

★ ★

زید مرض موتندہ ہندی شوقدر اچہ مہر ایلہ شہود محضر لرنده تزوج ایتدکدن
سکرہ زید فوت اولوب انجق ہندی ترک ایتدکدہ ترکہ زیدک جملہ سنی امین

(*) بعض اسبابہ بناءً نشری تأخر ایدن بو نسخہدہ ربیع الاولدن مؤخر تاریخلی بعض مواد دجی مندرجدر .

بیت المال اولان عمرو تغلباً قبض ایلسه هند ترکه زیددن مهرینی و ماعدادن حصه سنی طلب ایتدکده عمرو مجرد زید مرض موتنده تزوج ایتمکله نکاح صحیح اولماز دیو ویرمامکه قادر اولورمی الجواب : اولماز .

*
**

طلاق :

زید زوجه مدخول بهاسی «هنده بوش اول» دید کدنصکره برقاچ کون مرورنده عمرو زیده «عورتکی بوشاد کی» دیو سوال ایتدکده «بوشادم» دیو بعد بکر دخی سوال ایتدکده «بوشادم» دیو زیدک مرادی انشا اولیوب اخبار مراد ایلسه مجرد بویه دیمکله هند اوچ طلاق بوش اولورمی الجواب : اولماز .

*
**

«سنی ترک ایتدم» دیمک طلاق زوجه ده متعارف اولان بلده اها لیسندن زید زوجه مدخول بهاسی هند «سنی ترک ایتدم» دیسه هند زیددن مبانه اولورمی الجواب : اولور .

*
**

زید مرض موتنده زوجه مدخول بهاسی هندی رضاسنسز باینّا تطلیق ایتد کدنصکره عدتی منقضیه اولدین زید فوت اولسه هند زیده وارثه اولورمی الجواب : اولور .

*
**

زید مرض موتنده زوجه سی هندی طلیله بائنا تطلیق ایتد کدنصکره هندک عدتی منقضیه اولدین زید فوت اولسه هند زیده وارثه اولورمی الجواب : اولماز .

*
**

نفقه :

زید زوجه سی هند حاملی تطلیق ایتد کدنصکره هند زیددن ولد کتوردکده ولدک مالی اولماغله زیدک اوزرینه حاکمه قدر معروف یومی شو قدر اچه نفقه تقدیر واستدانه به اهن الوب ایکی سنه صغیری بحق الحضانه تربیه ایدوب استدانه ایله اتفاق ایلسه حالا هند

نفقہ مقدریہ زیددن طلب ایتدکده زید مجرد ولد مدت مزبورده سود اموب طعام
بماکله نفقه لازمه اولماز دیو ویرمامکه قادر اولورمی الجواب : اولماز .

★ ★

زید هند بالغه بی تزوج ایدوب لکن هنده مرض عارض اولغله منزلته نقل ایتوب
هند نفسی زیده تسلیمدن امتناع ایتش دکل ایکن هند مجرد مریضه اولغله زید هنده
نفقه ویرم دیمکه قادر اولورمی الجواب : اولماز .

★ ★

هند فقیره نك زوجی زید غائب اولوب نفقه نك تحصیل متعذر اولدقده پادشاه اسلام
مدالله تعالی ظله علی مفارق الانام حضرتلری بومسئله ده مصلحت ناسه ارفق اولسی ملاحظه سنه
بناءً مذهب حنبلی اوزره قاضینك فسخ نکاح ایتسیله حکمه امر بیورمش اولمیرینه مبنی
هندك طلیله قاضی فسخ نکاح ایتکه قادر اولورمی الجواب : اولور .

★ ★

زوجی اولیان هند فقیره نك لابوین ار قرنداشلی زید وعمر و موسر لر ایله لاب
ار قرنداشی بکر موسردن غیری کمنه سی اولماسه هندك نفقه سی بکر اوزرینه لازمه
اولیوب یالکز زید و عمر و اوزرلرینه لازمه اولورمی الجواب : اولور .

★ ★

زوجی اولیان هند فقیره نك لابوین ار قرنداشی زید موسر ایله لاب قرنداشلی
عمر و وزینب موسرلردن غیری کمنه سی اولماسه هندك نفقه سی عمر و وزینب اوزرلرینه
لازمه اولیوب یالکز زید اوزرینه لازمه اولورمی الجواب : اولور .

★ ★

زوجی اولیان هند فقیره نك موسر لر اولان لابوین ار قرنداشی زید ایله لابوین عمری
عمر و دن غیری کمنه سی اولماسه هندك نفقه سی عمر و اوزرینه لازمه اولیوب یالکز زید
اوزرینه لازمه اولورمی الجواب : اولور .

★ ★

زوجی اولیان هند فقیره نك لابوین ار قرنداشی زید موسر ایله لاب ار قرنداشی عمرو موسردن بشقه کمنه سی اولماسه لکن زید غائب اولوب عمرو حاضر اولسه عمرو زیده رجوع ایتک اوزره هندی اتفاقه مجبور اولورمی الجواب : اولور .

★ ★

زوجی اولیان هند وزینب وخدیجه فقیره لرك لابوین عملری زیدایله انالری رقیه دن عیری کمنه لری اولیوب لکن زید موسر اولوب رقیه معسره اولسه هند وزینب وخدیجه نك نفقه لری رقیه اوزرینه لازمه اولیوب یالکز زید اوزرینه لازمه اولورمی الجواب : اولور .

★ ★

سکئی :

زید زوجه سی هندی زوجة اخراسی زینب دن متولد اولان ولد کیری ایله براوطه ده اسکان ایلسه هند راضیه اولیوب زیده بنی غلقی باشقه آخر اوطه ده اسکان ایله دیمکه قادره اولورمی الجواب : اولور .

★ ★

نفقه :

زید فقیرك اوغللری عمرو و بکردن غیری کمنه سی اولیوب لکن عمرو معسر اولوب بکره موسر اولسه زیدك نفقه سی عمرو اوزرینه لازمه اولیوب یالکز بکراوزرینه لازمه اولورمی الجواب : اولور .

★ ★

هند صغیره نك اناسی وحاضنه سی زینب هندایچون باباسی زیدك اوزرینه حاکمه یومی شو قدر اچه نفقه تقدیر ایتدیروب واستدانه اذن وحجت الوب لکن زینب استدانه ایتیب و هند ایچون مستقلاً طعام طبخ ایتیب هند زینبك نفسیچون طبخ ایتدیکی طعامدن زینبك اباحه سیله برمدت زینب ایله اکل ایلسه زینب مجرد نفقه تقدیر ایتدیردم دیو نفقه مقدره بی زیددن المغه قادره اولورمی الجواب : اولماز .

★ ★

حضانه:

هند صغيره نك حق حضانه سى باباسى زيدك اوليوب لايوين خاله سى زينبك اولورمى.

الجواب : اولور .

*
* *

هند زوج مطلقى زيددن اولان صغير اوغلى عمروى بحق الحضانه امساك اوزره ايكن نفسى صغيره اجنبى به تزويج ايدوب صغيرك اناسنك اناسى زينب ايله باباسنك اناسى خديجه موجوده . اولسه صغيرك حق حضانه سى خديجه نك اوليوب زينبك اولورمى الجواب : اولور .

*
* *

هند صغيره نك اناسنك اناسى وحاضنه سى زينب صغيره نك مالى اولماغله صغيره نك باباسى زيد معسر اوزرينه نفقه واجرت حضانه تقدير ايتديروب بيلمك ايستدكده صغيره نك باباسنك اناسى خديجه موسره بن صغيره يى بلا اجرة الحضانه بسليوب زينبدن منع ايتيم ديسه حاكم زيننه صغيره يى بلا اجرة الحضانه امساك ايله ياخود خديجه به ويرديمكه . قادر اولورمى الجواب : اولور .

*
* *

هند صغيره قزى زينبى بحق الحضانه امساك اوزره ايكن هند نفسى صغيره به اجنبى اولان كسنه به تزويج ايدوب صغيره نك اناسنك اناسى خديجه دخى صغيره به اجنبى به متزوجه بولتمغله صغيره نك حق حضانه سى باباسنك لايوين خاله سى رقيه نك اوليوب صغيره يى تربيه به قادره اولان اناسنك اناسى عايشه نك اولورمى الجواب : اولور .

*
* *

رجعت:

زيد زوجه مدخول بهاسى هدى طلاق رجعى ايله تطليق ايتدكده نكده طلاق اخير اولمايحق زيد هنده عدتى ايچنده مراجعت ايدوب تجديد نكاح ايتدين هند ايله ازواج معامله سنه قادر اولورمى الجواب : اولور .

*
* *

شهادت :

زیدك مدعاسنه لایون قرنداشی عمروك شهادتی مقبوله اولورمی الجواب : اولور .

★ ★

تواتر :

خرسیتك اریاتك یتمش تاریختده فوت اولدیغنی شخص آخر دخی مرقومك یتمش دوت تاریختده فوت اولدیغنی ادعا ایدوب هر بری مدعاسنی تواتراً اثبات ایده جکنی بیان ایلرله برطرفك اقامه ایلدیکی تواتر قاضی به علم یقین افاده ایتدکده مقتضاسیله حکم ایلسه صحیح اولورمی الجواب : اولور .

★ ★

بیع :

زید عمروك شوقدر بغدادی فضولاً آخره ثمن معلومه بیع وتسليم وقبض ثمن ایلسه عمرو شرائط اجازت موجوده اولدیغنی حالده بیعی مجیز اولیجق ثمن مرقومی زیددن المغه قادر اولورمی الجواب : اولور .

★ ★

کفالت :

زید هندی شوقدر اچقه مهر معجل تسمیه سیله تزوج ایتدکدنصکره عمرو مهر مزبورده کفیل اولوب زید هنده داخل اولدقنصکره مهر مرقومی ویرمدین دیار آخره کیته هند مبلغ مزبوری عمرودن المغه قادر اولورمی الجواب : اولور .

★ ★

هبه :

زید صحتده قزی هند صغیره به شوقدر اچقه هبه واعلام واشهاد ایتدکدن صکره زید فوت اولسه سائر ورثه سی هبه نی طوتمامغه قادر اولورلرمی الجواب : اولمازلر .

★ ★

زید شوقدر اشیاسنی اولجیه قدر کندوی بسامك اوزره عمرو هبه وتسليم ایدوب

عمرو دخی بسرکن زید فوت اولوب وارثی اولماسه امین بیت المال هبه نی طوتمامغه قادر اولورمی الجواب : اولماز .

★ ★

زید ملک منزلی عمرو اجنبی یه « بنی اولنجیه یه قدر کوروب کوزه درسک سنک اولسون » دیو هبه ایلسه هبه مزبورده صحیحه اولورمی الجواب : اولماز .

بوصورتده عمرو برمدت کندی مالندن زیدی اتفاق ایتدکنصکره زید فوت اولسه عمرو قدر معروف مصروفی زیدک ترکه وافیہ سندن المغه قادر اولورمی الجواب : اولور .

★ ★

اقرار :

زید متوفانک ورثه سی ترکه سی اقتسام ایتدکلرندنصکره عمرو ورثه دن حضورلرنده زید ذمتده قرضدن شوقدر اچقه حقم واردر دیو دعوی و ورثه دن بکر اقرار ایدوب سائرلر انکار ایتدکلرند عمرو دعواسنه اقامت بینه ایدمه ماسه دین مبلغ مزبوردن انجق بکرك حصه سنه اصابت ایدن مقداری بکرك ترکه دن مقبوضی اولان حصه وافیہ سندن المغه قادر اولورمی الجواب : اولور .

★ ★

وصایت :

زید عمرو متوفانک حصر آوارثلری اولاد صفارینک وصیلری بکردن عمروک ذمتده شوقدر اچقه حقم واردر دیو طلب ایتدکده بکر زیدی تصدیق ایدوب اولقدر اچقه نی ترکه دن زیده ویردکن صکره صفار بالغ اولدقلرنده دین مزبوری انکار ایدوب دین ثابت اولماسه مزبورلر مبلغ مرقومی بکره تضمینه قادر اولورلرمی الجواب : اولورلر .

★ ★

ارث :

ماريقه نك فوتندنصکره شرف اسلامه مشرفه اولان قزی هند ماريقه نك ميراثندن محرومه اولورمی الجواب : اولماز .

★ ★

زیدك اوغلى عمرو مستقلاً تجارت ایدوب بر مقدار مال تحصیل ایتدکدنصکره زید فوت اولوب عمروی وسائر ورثه سنی ترك ایلسه سائر ورثه عمروه بابا صاغلفنده اوغلك مالی اولماز دیوب مال مزبورى میراثه ادخاله قادر اولورلرمی الجواب : اولمازلر .

زید معتق فوت اولوب زوجہ سی ہندی وکندونی ازاد ایدن عمروك لابوین عمی اوغللری بکر و بشر و خالد و ولیدی ترك ایتدکده تركه زید اون الی سہمدن اولوب دوت سہمی ہندہ اوچر سہمی بکر و بشر و خالد و ولیدہ ویرلسہ صحیح اولورمی الجواب : اولور .

بوصورتده عمروك قزی وقزینك اولادی دخی زیدہ وارث اولورلرمی الجواب :

اولمازلر .

زید فوت اولوب زوجہ سی ہندی و لابوین عمی قزلری زینب و خدیجہ بی و لابوین خالہ سی قزلری رقیہ و عایشہ بی ترك ایتدکده تركه زیدسکز سہمدن اولوب ایکیشر سہمی ہند و زینب و خدیجہ برر سہمی رقیہ و عایشہ بیہ ویرلسہ صحیح اولورمی الجواب : اولور . بوصورتده زیدك لابوین عمہ سی اولادی دخی زیدہ وارث اولورلرمی الجواب :

اولمازلر .

